

補晉書藝文志

附錄
補遺

一



補晉書藝文志

附錄
補遺

一

丁國鈞
撰

中
華
書
局

補晉書藝文志

附錄
補遺

二

丁國鈞
撰

中華書局

Y8811

此據史學叢書本
排印初編各叢書
僅有此本

補晉書藝文志

例略

四部分目。權輿中經。唐修隋志。變通益善。後賢譏彈雖多。莫能外也。晉書之成。與隋書相先後。故斯志軌轍一準。隋志。伐柯取則。無事求遠。劉略。班志。非所敢知。

斷代著錄。首嚴棄取。茲志於三國諸人。凡及太始初者。皆加徵采。義熙一朝。作者雖衆。苟易代猶存。即無預斯錄。至嵇康。阮籍。二人卒於魏末。陶潛。徐廣。二人卒於宋初。諸著述。一例掇列。似失限斷。則以本書各有專傳故也。

釋道二家。隋志退廁卷末。遠祖七志。允稱無間。茲於其徒撰著。標目附錄。至傳譯經戒。卷目灝汗。以大唐內典目錄核之。凡四百五十部七百七十七卷。一不闕入。小異繩墨。無傷大同。

撰著各家。身入宋魏者。既不入錄矣。然有成書尚在晉時者。劉昺諸人是也。有偽書流布。濫入各史志各家書錄者。郭璞諸人書是也。至於書名撰人。缺譌舛複。疑不能證明者。尤難僂指。凡斯之類。區以存疑。黜僞二目。退列附錄。用備稽考。

是志所錄。資隋唐志者十之六。凡一千七十餘種。據羣籍者十之四。凡六百八十餘種。左右采獲。懼昧所從。更訂歧譌。以意進退。尤非言詮弗明。爰注出處。略及考證。仿王伯厚漢志及章宗源隋志之例。

補晉書藝文志卷一

常熟丁國鈞撰

甲部經錄

歸藏注十三卷。太尉參軍薛貞見隋書經籍志。下皆省稱隋志。

周易注十卷。散騎常侍干寶見隋志。本書寶傳無卷數。

周易爻義一卷。干寶見隋志。是書新唐書藝文志、舊唐書經籍志、下省稱新舊唐志或兩唐志。不一律。咸佚不載。而中興書目、尤氏遂初堂書目有之。蓋宣和四年蔡攸同寶周易注上於朝。本元胡一杜學易啓蒙異傳說。故得據以著錄也。

周易問難二卷。干寶見七錄。舊誤題王氏撰。考具下條。七錄不可見。然隋志所云梁有者。皆阮氏書也。今更正標目。下做此。

周易玄品二卷。干寶見隋志。舊脫撰人名。謹案冊府元龜言干寶領著作。撰周易問難二卷。周易玄品二卷。周易爻義一卷。則是書實寶所著。隋志既誤以問難屬之王氏。於此書又遺其姓氏。疏舛殊甚。今補寶名列此。

周易宗塗四卷。干寶見七錄。

京氏易注。郭琦見本書琦傳。傳言琦注穀梁。京氏易一百卷。所云卷數。當并指穀梁言。朱氏彝尊經義考以百卷專屬之易注。疑不足據。崇文總目著錄作三卷。

周易注十卷。儒林從事黃穎見七錄。隋志存四卷。兩唐志仍十卷。

周易注十卷。驃騎將軍王虞見七錄。隋志存三卷。兩唐志仍十卷。經典釋文敍錄。下皆省釋文敍錄。作十二卷。疑有錄二卷并計之也。

周易注十卷。著作郎張璠見七錄。是書采集古來說易者至二十八家。故釋文敍錄。兩唐志均作張璠集解。隋志作注。義似未當。唐志著錄是書。仍十卷。隋志存八卷。釋文敍錄則多二卷。疑亦有錄二卷并計之也。璠。安定人。東晉祕書郎。參著作。陸德明云。

周易注十卷。太子中庶子荀煒見隋志。舊題魏散騎常侍荀煒。此據張璠集解序改題。荀氏家傳魏志。荀璜傳注引。亦作太子中庶子也。意煒在魏曾官常侍。易亦注於彼時。故署題云然。舊唐志煒作暉。新志又作輝。要皆形近致誤。煒字景文。家傳誤煒爲暉。考煒字長倩。煒之族祖也。不得混爲一人。朱氏經義考。不知煒爲暉之譌。遂謂煒又字長倩。殊誤。

周易注十卷。蜀才見隋志。釋文敍錄引蜀李書曰。范長生一名賢。自號蜀才。

周易繫辭注二卷。桓元見隋志。

周易繫辭注二卷。西中郎將謝萬等見隋志。朱氏經義考云。雙湖胡氏易啟蒙翼傳載傳注有謝平繫辭

注二卷。疑卽萬書字偶誤也。案謝平易注。宋以前絕未引及。其爲萬字傳訛無疑。

周易繫辭注二卷。太常韓伯見隋志。舊題作韓康伯。蓋著其字。陳振孫書錄解題。晁公武郡齋讀書志。下

皆省稱讀書志。均載康伯易注三卷。卽是書。至繫辭正義以康伯爲王弼門人。晁公武亦沿其說。不知弼。魏末人。康伯。東晉人。時代固遠不相及也。誤不足據。

周易繫辭注。袁悅之見釋文敘錄。悅之本書有傳。據王恭傳及天文志。見太元十二年二月戊寅。焚悉人

月條。世說新語。下皆省稱世說。袁氏譜。知袁本名悅。晉人。單名多加之字。故本傳亦作悅之也。

周易旨六篇。李充見本書充傳。朱氏經義考誤作周易音。

周易傳。袁準見袁氏世紀。魏志裴潛傳注引。

周易卦象數旨六卷。樂安亭侯李順見七錄。通志藝文略著錄一卷。

周易象論三卷。尙書郎裴肇見隋志。史記正義。仲尼弟子列傳。言肇字永初。高平人。釋文敘錄則云字太

初。太山人。不審孰誤。舊唐志亦作永初。

周易統略五卷。少府卿鄒湛見隋志。兩唐志作周易統略論三卷。通志藝文略亦有論字。

周易論二卷。馮翊太守阮渾見隋志。兩唐志有周易論二卷。云阮長成難。阮仲容答。卽是書。張氏集解。引

阮渾。阮咸。兩家易義。渾爲長成名。咸爲仲容名。意卽唐志所謂長成難。仲容答者。通志藝文略作二阮

答難論。陸德明曰。渾。籍子。爲易義。

周易訓注。劉兆見本書兆傳。

周易論四卷。范宣見隋志。舊但題范氏撰。謹案本書范宣傳。言宜著禮易論難。皆行於世。此書隋志既次在晉代。其爲宣撰無疑。

周易說八卷。范宣見七錄。舊但題范氏撰。次干寶書上。蓋亦宣書也。

周易卦序論一卷。司徒右長史楊父見隋志。張氏集解序作左長史。云父字玄舒。汝南人。

周易論一卷。荊州刺史宋岱見隋志。舊唐志有易論一卷。云宋睿宗撰。新志作通易論。屬之宋處宗。卽是書。處宗岱字容。則處之訛也。通志藝文略亦作通易論。

周易難王輔嗣義一卷。揚州刺史顧夷等見七錄。

難王弼易義四十餘條。顧悅之見宋書閔康之傳。在隱逸傳。謹案閔傳言晉陵顧悅之難王弼易義四十餘條。康之申王難。顧遠有情理。考悅之字君叔。曾爲揚州別駕。見世說言語篇注。顧愷之父也。所難各條。疑卽上所載七錄之一卷本。揚州刺史顧夷當爲揚州別駕。顧悅之之譌文。苦無確據可證。用兩列之。四庫提要以悅之爲顧夷字。未審所出。考顧夷字君齊。吳郡人。辟木州主簿。不就。見世說文學篇注。不言爲揚州刺史。

周易略論一卷。張璠見舊唐志。

周易譜一卷。袁宏見兩唐志。隋志脫撰人名。新唐志作譜略。

周易論一卷。應貞見舊唐志。新志釋文敘錄均作明易論。

易論裴秀見文章敘錄魏志裴潛傳注引。

周易注向秀是書七錄以下皆不載。據世說注所引竹林名士傳著錄秀注卽張璠集解之本也。

周易張氏義張軌張璠集解引見釋文敘錄。

周易庾氏義庾運張璠集解引見釋文敘錄。陸德明云運字玄度新野人官至尚書。

周易張氏義張輝張氏集解引見釋文敘錄。陸德明曰輝字義元梁國人晉侍中平陵亭侯。

周易王氏義王宏張氏集解引見釋文敘錄。

周易王氏義王濟張氏集解引見釋文敘錄。

周易衛氏義衛璠張氏集解引見釋文敘錄。

周易杜氏義杜育張氏集解引見釋文敘錄。陸德明曰育字方叔襄城人國子祭酒。

周易楊氏義楊瓚張氏集解引見釋文敘錄。陸德明曰瓚司徒右長史。

周易邢氏義邢融張氏集解引見釋文敘錄。

周易裴氏義裴藻張氏集解引見釋文敘錄。

周易許氏義許適張氏集解引見釋文敘錄。

周易楊氏義楊藻張氏集解引見釋文敘錄。

通知來藏往論。宣舒張氏集解引。見釋文敘錄。陸德明曰。舒字幼驥。陳郡人。宜城令。是書兩唐志名通易象論。而新志作宣聘撰。舊志則作宣駁。蓋駁爲聘之譌。聘又舒之譌也。

易象妙於見形論。孫盛見本書盛傳。玉海列晉易論有盛是書經義考著錄一篇。

周易音一卷。太子前率徐邁見隋志。

周易音一卷。尙書郎李軌見隋志。釋文敘錄云。軌字宏範。江夏人。祠部郎中都亭侯。

周易音。袁悅之悅之傳。不言有此書。據冊府元龜所載著錄。

周易解。皇甫謐見周易正義。

通易論一卷。阮籍見宋史藝文志。元胡一桂曰。嗣宗通易論一卷。凡五篇。明張溥輯阮步兵集載此論一

篇。幾三千言。

周易言不盡意論。稽康見玉海。

周易象不盡意論。殷融見晉中興書。世說新語文學篇注。

右易類。存四十八家。五十五部。

尙書注。李充見本書充傳。

尙書注十五卷。祠部郎謝沈見隋志。兩唐志存十三卷。

尙書集解十一卷。李昉見隋志。釋文敘錄作十卷。疑李書本有錄一卷。隋志并數之。故云十一卷。上謝氏

注十五卷。據陸氏敘錄。亦有錄一卷也。

尙書注十卷。范甯見七錄。釋文敘錄作集解。

古文尙書舜典注一卷。豫章太守范甯見隋志。

尙書新釋二卷。李願見隋志。

尙書要略二卷。李願見兩唐志。是書隋志不載。唐志與新釋並著錄。知非一書。

尙書義二卷。吳太尉范順問劉毅荅。見七錄。本作范順問。吳太尉劉毅荅。近人侯氏康三國藝文志補。謂

吳太尉三字當屬上。孫皓傳有太尉范愼。又見孫登傳注。即其人也。順愼字古通。案侯氏所考致確。故

據以更正著錄。

尙書義疏四卷。樂安王友伊說。見七錄。兩唐志作釋義。

尙書逸篇注二卷。徐邈見新唐志。

尙書義問三卷。鄭玄王肅及孔晁撰。見七錄。

尙書音五。孔安國鄭玄李軌徐邈等撰。見七錄。陸德明謂漢人不作音。後人所託。是孔鄭二家或亦晉人

作僞。如僞孔傳類。未可知也。

古文尙書音一卷。徐邈見隋志。

右書類存九家十三部。

毛詩注二十卷。謝沈見七錄。

毛詩注二十卷。兗州別駕江熙見七錄。釋文敍錄言熙字太和。濟陽人。

毛詩釋義十卷。謝沈見七錄。

毛詩義疏十卷。謝沈見七錄。

毛詩譜鈔一卷。謝沈見七錄。

袁氏詩傳。袁準見袁氏世紀。魏志袁渙傳注引。

袁氏詩注。袁喬見本書喬傳。

毛詩異同評十卷。長沙太守孫毓見七錄。長沙太守。隋志集部作汝南太守。釋文敍錄作豫州刺史。標題

互異。陸德明謂毓字休朗。北海平昌人。意林則云。毓字仲下。疑脫一字。亦不相合。此書所評爲毛鄭。正

肅三家。而朋於王。故有陳統之難。

難孫氏毛詩評四卷。徐州從事陳統見隋志。是書難王申鄭。兩唐志均著錄。陸德明曰。統字元方。

毛詩表隱二卷。陳統見七錄。兩唐志著錄。

毛詩拾遺一卷。郭璞見隋志。是書下舊注云。梁又有毛詩略四卷。蓋謂七錄有此書。非指郭氏也。馬氏國

翰輯是書序。以毛詩略亦屬之璞。誤甚。

毛詩辨異三卷。給事中楊父見隋志。兩唐志作毛詩辨。無異字。

毛詩異義二卷。楊父見隋志。

毛詩雜義五卷。楊父見七錄。

毛詩釋略。虞喜見本書喜傳。卅府元龜作說毛詩略。殆聲同而誤。隋志於毛詩拾遺下注云。梁有毛詩略

四卷。不標撰人。疑卽喜是書。

毛詩雜義四卷。江州刺史殷仲堪見七錄。

毛詩背隱義二卷。徐廣見七錄。

毛詩音二卷。徐邈見七錄。謹案隋志又言梁有毛詩音十六卷。徐邈等撰。蓋集各家詩音而徐爲首。故有

等字。實則邈所著卽此二卷也。不再複列。

毛詩音隱一卷。干寶見七錄。舊但題干氏撰。謹案釋文敍錄言爲詩音者九人。干寶其一。知卽此書。今補

寶名著錄。

毛詩音。江淳見釋文敍錄。

毛詩音。阮侃見釋文敍錄。陸德明曰。侃字德恕。陳留人。河內太守。

右詩類存十五家。二十一部。

周官禮注十二卷。伊說見隋志。兩唐志作十卷。

周官禮注十二卷。干寶見隋志。釋文敍錄作十三卷。

周官禮異同評十二卷。司空長史陳邵見隋志。兩唐志有周官論評十二卷。云陳邵駁傳玄評。卽是書。本書邵傳作周禮評。

周官禮駁難四卷。孫略見隋志。

周官駁難三卷。孫琦問干寶駁虞喜撰。見七錄。是書兩唐志著錄五卷。云孫略問干寶答。頗疑隋志琦字爲略之譌。上四卷本亦作孫略也。

周官寧朔新書八卷。燕王師王懋約撰。見七錄。舊唐志作司馬他序。王懋約注。新志亦作注。七錄撰字疑有譌。不足據。本書環邪武王他字子將起家爲寧朔將軍。此書疑他仿周官爲之。故曰新書。新唐志直目爲司馬他周官寧朔新書。當自有據。

周官傳。袁準見袁氏世紀。魏志袁渙傳注。

喪服經注一卷。給事中袁準見隋志。本書準傳但言注喪服經。無傳字。舊唐志作喪服紀。新志則作儀禮注。蓋誤以所注喪服爲全書注也。通志藝文略於儀禮全書注及喪服注兩列準書。尤爲複誤。

集注喪服經傳注一卷。廬陵太守孔倫見隋志。釋文敘錄。倫字敬序。會稽人。東晉廬陵太守。是書蓋集衆家注。舊唐志作喪服紀注。新唐志誤作儀禮注。通志藝文略於儀禮注。喪服注兩列其名。複誤同上。喪服經傳注一卷。陳銓見隋志。釋文敘錄云銓不詳何人。考通典禮一引晉明禮諸人。次銓於賀循。任愷下孔倫。劉達。樊虞上。則銓當爲西晉人。是書舊唐志省作喪服注。新志則誤爲儀禮注。通志藝文略於

儀禮注喪服注兩列之。複誤同上。

喪服要集二卷。杜預見隋志。兩唐志作喪服要集議三卷。原本北堂書鈔以下或省稱書鈔。葬類引作喪服要記。與下劉逵書同名。疑譌不足據。據本書禮志。此書蓋預命博士段暢所撰集。

喪服儀一卷。衛瓘見隋志。

喪服要記二卷。侍中劉逵見七錄。

喪服要六卷。賀循見七錄。朱氏經義考云。舊唐志十卷。蓋誤以庾蔚之注之喪服要記十卷當之也。不足據。

喪服要記十卷。賀循見隋志。兩唐志載循喪服要記凡二一五卷。爲謝微所注。一十卷爲庾蔚之所注。新志亦作五卷。疑有亡佚。此云十卷。頗疑卽庾氏注本。然隋志於循是書下又言梁有喪服要記。宋庾蔚之注。則此十卷者。非庾氏注。明矣。疑此係謝微所注本。續有散佚。故兩唐志祇存五卷耳。至福記正義序言爲義疏者。南人有賀瑒。據隋志所列。賀書並無義疏之目。知卽是書。孔氏漫稱爲義疏也。

喪服譜一卷。賀循見隋志。

喪服譜一卷。蔡謨見隋志。

喪服要略一卷。太子博士環濟見隋志。濟有帝王要略十二卷。見隋志。史部舊注云。記帝王及天官地理喪服。然則此書本在濟書十二卷內。後人錄出別行。故隋志亦著於錄也。

喪服變除一卷。葛洪見隋志。

喪服釋疑論。劉智見本書智傳。七錄有喪服釋疑二十卷。孔智撰。國朝余蕭客古經解鈎沈謂孔爲劉之譌所考致確。卽是書也。

喪紀禮式。杜襲見華陽國志襲本傳。

喪服圖。譙周御覽卷五百四十引通典。八十一又引周綰服圖。應是一書。喪服其大名。綰服則喪服中之一端也。又九十九引周集圖。亦當卽此書。

喪服雜記二十卷。伊說見七錄。舊題伊氏。疑卽注周官之伊說。故補說名。著於錄。

喪服圖一卷。崔游見兩唐志。亦見本書遊傳。隋志誤游爲逸。不可據。

凶禮一卷。孔衍見隋志。通志藝文略誤作孔傳。

禮記寧朔新書注二十卷。王懋約見七錄。隋志存八卷。兩唐志仍二十卷。

禮論答問九卷。范甯見舊唐志。

禮雜問十卷。范甯見隋志。兩唐志作禮問。云九卷。

禮雜十二卷。益壽令吳商見七錄。

雜議十二卷。益壽令吳商見七錄。兩唐志作雜禮義十一卷。舊志云。吳商等撰。隋志於是書下云。又有禮

議雜記故事十三卷。雜事二十卷。又字係指七錄言。雖可均全晉文目錄及馬國翰輯此書序皆以二